

RESOLUCIÓN REITORAL DO 18 DE XANEIRO DE 2016 DA UNIVERSIDADE DE VIGO, POLA QUE SE ABRE A CONVOCATORIA DE BOLSAS ERASMUS + ESTUDOS PARA O CURSO 2016-2017

ERASMUS+ é o programa da Unión Europea para a educación, formación, xuventude e deporte, aprobado para o período 2014-2020.

A Universidade de Vigo, como institución elixible trala obtención da ECHE (*Erasmus Charter for Higher Education*) para participar no programa Erasmus+, asinou acordos bilaterais de intercambio de estudantes con outras institucións de ensino superior elixibles para participar neste programa durante o curso 2016-2017 no cadro da acción clave 1 (KA103) de mobilidade das persoas por motivos de aprendizaxe.

En virtude destes acordos, esta Reitoría

RESOLVE

Publicar a convocatoria de bolsas ERASMUS+ para o curso 2016-2017 destinada a estudantes da Universidade de Vigo que estean cursando estudos conducentes á obtención de títulos oficiais co fin de realizar estudos en diferentes universidades europeas coas que a Universidade de Vigo ten establecido Acordo Bilateral no marco do Erasmus+.

A listaxe de prazas ofertadas pode consultarse nos anexos I, II e III desta convocatoria:

Anexo I: prazas ofertadas para estudantes de I ciclo. Poderán tamén solicitálas estudantes de máster das Escolas de Enxeñaría Industrial, de Telecomunicacións e de Minas. Neste caso, o estudantado deberá contactar co/a responsable do centro.

Anexo II: prazas ofertadas de máster.

Anexo III: prazas ofertadas de 3º ciclo.

BASES DA CONVOCATORIA

1.- Requisitos dos/as solicitantes

1.1.- Requisitos xerais

Os requisitos xerais para todos os/as estudantes da Universidade de Vigo son os seguintes:

- O/a estudante deberá estar matriculado/a no curso 2015-2016 na Universidade de Vigo. O/A estudante deberá matricularse na Universidade de Vigo no prazo que se indique na convocatoria de matrícula no curso no que se realizará a estadía (2016-2017), como mínimo no segundo curso de carreira ou estar a realizar o proxecto fin de carreira.
- Ter un nivel de coñecemento do idioma esixido para o país de destino que lle permita desenvolver a actividade académica que vai realizar.
- Ser cidadá/n dalgún dos 28 países membros da UE, de Islandia, Liechtenstein e Noruega, dun país candidato á adhesión (Turquía e a Antiga República Iugoslava de Macedonia), Suíza ou posuír o estatuto de residente permanente, de apátrida ou de refuxiado/a en España. Poderán participar aquelas persoas que, non sendo nacionais dun dos países participantes no Erasmus+, o sexan de terceiros países e estean en posesión dun permiso de residencia válido para residir en España durante o período de realización da mobilidade.

Universidade de Vigo -
Registro Xeral

Saída Nº. 201600000744
18/01/16 13:01:59

1.2.- Incompatibilidades

Durante o mesmo ciclo de estudos (Grado, Máster o Doutoramento) non se poden gozar de máis de 12 meses de bolsa Erasmus nas diferentes modalidades (estudios e prácticas).

Exemplo: un estudante de Grao que gozou dunha bolsa Erasmus prácticas de 6 meses só poderá solicitar unha bolsa de Erasmus estudos por un período máximo de 6 meses durante o Grao.

1.3.- Requisitos específicos para cada praza

Os criterios específicos de selección de cada centro da Universidade de Vigo deberán facerse públicos en cada un dos centros antes da selección dos/as estudantes e serán enviados á Oficina de Relacións Internacionais (ORI) polos/as responsables de relacións internacionais de cada centro.

Os requisitos específicos para cada unha das prazas aparecerán detallados na relación de prazas ofrecidas que se publica no anexo I. O estudantado deberá consultar as páxinas web das universidades de destino, en especial, os requisitos lingüísticos necesarios, de existiren, para ser admitido como bolsleiro/a Erasmus+.

2.- Duración do intercambio

A duración das bolsas non será inferior a tres meses nin superior a un curso académico. A duración de cada praza vén establecida na relación de prazas ofertadas.

3- Financiamento

3.1.- Bolsa Erasmus+

É unha axuda financiada pola Unión Europea co obxecto de sufragar os gastos adicionais por estudar nunha universidade estranxeira. Non ten como finalidade cubrir a totalidade dos gastos dos estudos no estranxeiro.

Financiaranse un máximo de 5 meses por estudante. Se a duración da estada é superior a 5 meses, a duración restante considerarase como bolsa cero.

A contía da bolsa dependerá do país de destino, segundo tres grupos:

Grupo 1: Austria, Dinamarca, Finlandia, Francia, Irlanda, Italia, Liechtenstein, Noruega, Reino Unido, Suecia: 300 €.

Grupo 2: Alemaña, Bélxica, Chipre, Croacia, Eslovenia, Grecia, Islandia, Luxemburgo, Países Baixos, Portugal, República Checa, Turquía: 250 €.

Grupo 3: Antiga República Iugoslava de Macedonia, Bulgaria, Eslovaquia, Estonia, Hungría, Letonia, Lituania, Malta, Polonia, Romanía: 200 €.

Poderanse conceder mobilidades sen dotación económica no caso de non dispor de fondos para todos os estudantes. Terán preferencia para obter financiación todos/as estudantes que sexan beneficiarios por primeira vez dunha bolsa Erasmus + Estudos.

Os/as beneficiarios/as dunha bolsa Erasmus+ con dotación económica, percibirán 100 euros adicionais por mes de estada ata un máximo de 5 meses de estada se son beneficiarios da bolsa xeral de estudos do *Ministerio de Educación, Cultura y Deporte* durante o curso 2015-16.

A Universidade de Vigo consignou 750.000 euros na aplicación orzamentaria 2016ORI1121DERA492 para financiar as bolsas Erasmus.

3.2.- Bolsa Erasmus.es

O *Ministerio de Educación, Cultura y Deporte* publicará unha convocatoria destinada aos estudantes seleccionados Erasmus +. Os/as estudantes seleccionados/as no cadro desta

convocatoria que cumpran cos requisitos establecidos na convocatoria do MECD deberán presentar a solicitude. Se os/as estudantes son seleccionados/as, recibirán unha contía superior á bolsa Erasmus + (100 € na convocatoria 14-15) e non percibirán a bolsa Erasmus+ tramitada pola Universidade de Vigo.

Outras axudas complementarias

3.2.1.- Axudas a estudantes con necesidades especiais

Os/as estudantes con algún tipo de necesidade especial (discapacidade) que implique gastos adicionais pola súa participación no acción de mobilidade poderán percibir unha axuda adicional. A ORI informará aos seleccionados/as da convocatoria específica.

3.2.2.- Axuda complementaria da Xunta de Galicia

A Xunta de Galicia poderá conceder axudas complementarias mediante a publicación dunha convocatoria. A ORI informará aos/ás estudantes sobre a convocatoria, que se publicará no DOG.

3.2.3.- Axuda complementaria da Deputación de Pontevedra

Os/As bolseiros/as Erasmus matriculados/as en centros do campus de Pontevedra e Vigo poderán recibir unha axuda complementaria de 1000 € por estadia con fondos concedidos á Universidade de Vigo pola Deputación de Pontevedra.

Co gallo de conceder a axuda aos estudantes con menos recursos, só serán beneficiarios/as dela os estudantes beneficiarios da bolsa xeral de estudos do *Ministerio de Educación, Cultura y Deporte* durante o curso 2015-16.

Serán un total de 50 axudas destinadas a bolsas de estudos que se concederán segundo o expediente académico e por área académica.

A ORI publicará unha resolución reitoral de concesión das axudas ao estudantado seleccionado.

3.2.4.- Axuda complementaria da Deputación de Ourense

Os/As bolseiros/as Erasmus matriculados/as en centros do campus de Ourense poderán recibir unha bolsa complementaria á bolsa Erasmus+ con fondos concedidos á Universidade de Vigo pola Deputación de Ourense, se se renova o acordo asinado entre a Deputación de Ourense e a Universidade de Vigo.

De renovarse o acordo en 2017, a ORI publicará unha resolución reitoral de concesión das axudas aos estudantes seleccionados do campus de Ourense.

4- Solicitudes, prazos e lugar de presentación

O prazo de presentación de solicitudes comezará o día seguinte ao da publicación desta convocatoria e finalizará de acordo cos períodos de solicitude que a continuación se detallan:

1º Período de presentación de solicitudes: Ate o **5 de febreiro de 2016**

2º Período de solicitude do **19 de setembro o 14 de outubro de 2016**.

Neste segundo período só poderán participar os estudantes que se matriculen en másteres dunha duración dun curso académico (60 créditos) e que se cursarán en 2016-17. Só poderá realizarse a estadia no segundo cuadrimestre do curso 2016-17.

O formulario de solicitude en liña atoparase na Secretaría Virtual (formularios e enquisas) da Universidade de Vigo.

Non se admitirán as solicitudes que se presenten unicamente en formato electrónico ou só

en papel nin as solicitudes presentadas fóra do prazo ou sen asinar.

O formulario de solicitude inclúe o compromiso de matrícula no curso 2016-17

Os/as candidatos/as deberán imprimir unha copia da solicitude e presentala asinada, xunto coa documentación requirida, en calquera dos rexistros da Universidade de Vigo ou por calquera outro medio previsto no artigo 38.4 da Lei 30/92, de 26 de novembro, modificada pola Lei 4/99 do 13 de xaneiro, de réxime xurídico das administracións públicas e do procedemento administrativo común.

A documentación que acompañará as solicitudes é:

- En caso de nacionalidade estranxeira, fotocopia do NIE ou permiso de residencia
- Os/As estudantes de Belas Artes deberán presentar un proxecto artístico.
- Os/As estudantes da E.E. Industrial deberán presentar un escrito do/a(s) titor/es do(s) destino(s) que solicitan confirmando a idoneidade do/a candidato/a para o destino elixido. Non é necesario se a praza non ten un titor adxudicado.
- Certificacións de coñecementos de idiomas segundo o punto 5 desta convocatoria.

Recibidas as solicitudes, establécese un prazo de 10 días naturais para emendar erros e achegar documentación a partir da publicación da listaxe provisional de solicitudes admitidas a trámite e excluídas.

5- Coñecemento de idiomas

O coñecemento do idioma empregado como lingua de ensino na universidade de destino valorarase no proceso de selección dos/as estudantes.

Algunhas universidades de destino valoran entre os seus requisitos de admisión a acreditación de nivel de idioma.

Os coñecementos previos poderán acreditarse mediante a presentación das seguintes certificacións (niveis mínimos):

Inglés, nivel B1:

CertAcles B1

Nivel intermedio 2 da EOI, 3º curso do plan vello

Acreditación expedida polo Centro de Linguas da Universidade de Vigo

PET Cambridge

Trinity: ISE I

TOEFL: entre 57-86 (req. superación de las 4 macrodestrezas)

IELTS: nivel 4.0-5.0

Bulats: 40-59 (req. superación de las 4 macrodestrezas)

Inglés, nivel B2:

CertAcles B2

Nivel avanzado 2 da EOI, 5º curso do plan vello

Acreditación expedida polo Centro de Linguas da Universidade de Vigo

Cambridge First Certificate

Trinity: ISE II

TOEFL: 87-109 (req. superación de las 4 macrodestrezas)

IELTS: nivel 5.5-6.5

Bulats: 60-74 (req. superación de las 4 macrodestrezas)

Inglés, nivel C1

CertAcles C1

Acreditación expedida polo Centro de Linguas da Universidade de Vigo

Cambridge Certificate of Advanced English

Trinity: ISE III

TOEFL: 110-120 (req. superación de las 4 macrodestrezas)

IELTS: nivel 7.0-8.0

Bulats: 75-89 (req. superación de las 4 macrodestrezas)

Alemán, nivel A2:

Nivel básico 2 da EOI

Acreditación expedida polo Centro de Linguas da Universidade de Vigo

Goethe Institut: Start Deutsch 2 (SD2)

Bulats: 20-39

Alemán, nivel B1:

CertAcles B1

Nivel intermedio 2 da EOI ou 3º curso do plan vello

Acreditación expedida polo Centro de Linguas da Universidade de Vigo

Goethe Institut: Zertifikat Deutsch (ZD)

Testdaf-Niveaustufe 3 (TDN3)

Bulats: 40-59

Francés, nivel B1:

CertAcles B1

Nivel intermedio 2 da EOI ou 3º curso do plan vello

Acreditación expedida polo Centro de Linguas da Universidade de Vigo

TCF: nivel 3 (300-399)

DELF B1

Alliance Française CEFP2

Bulats: 40-59

Francés, nivel B2:

Nivel avanzado 2 da EOI ou 5º curso do plan vello

Acreditación expedida polo Centro de Linguas da Universidade de Vigo

TCF: nivel 4 (400-499)

DELF B2

Alliance Française DLF

Bulats: 60-74

En caso de estar en posesión doutra certificación de nivel diferente ás aquí mencionadas, consultar a táboa de certificacións de idiomas admitidas pola UVigo en http://www.cdl.uvigo.es/certificados_cursos.php?idioma=gl

Os/As estudantes, de non posuír estas certificacións, deberán realizar as probas de idioma convocadas polo Centro de Linguas que se celebrarán entres os días 18 e 21 de xaneiro de 2016. Para consultar o prazo de matrícula nas probas e datas deberase contactar directamente co Centro de Linguas: <http://centrodelinguas.fundacionuvigo.es/>

Unha vez seleccionados os/as estudantes no cadro desta convocatoria, terán que realizar unha proba de nivel obrigatoria do idioma que empregarán como idioma de estudo antes de

iniciar a súa estadia. Os resultados non impedirán que poida realizar a estadia de mobilidade. En función do resultado obtido poderán ter acceso a unha plataforma de aprendizaxe en liña antes ou durante ou seu periodo de mobilidade. Ao final da estadia, os/as participantes deberán realizar unha segunda proba obrigatoria de nivel do idioma.

6.-Selección

A ORI enviará aos/ás responsables de relacións internacionais dos centros respectivos as solicitudes presentadas para que en cada centro se efectúe a selección dos/as bolseiros/as segundo os criterios establecidos por cada centro.

A selección dos/as estudantes realizarase nos centros, polas comisións establecidas a este efecto e será notificada á ORI.

Os/as solicitantes serán informados nos seus centros sobre o proceso de selección. De ser convocados a unha xuntanza na que deberán escoller o destino, a asistencia será obrigatoria.

7.- Resolución e notificación

En cada centro publicarase unha relación provisional de bolseiros/as seleccionados/as e concederase un período de reclamación de 5 días hábiles.

Os/As responsables de relacións internacionais dos centros remitirán á ORI as listaxes completas dos/as estudantes seleccionados/as (nome e apelidos, DNI, destino adxudicado e duración da estadia).

O vicerreitor de Extensión Universitaria e Relacións Internacionais, á vista da proposta feita pola ORI, fará pública unha resolución motivada co nome dos/as seleccionados/as e dos/as suplentes, podendo ser recorrida esta perante o mesmo órgano que ditou a resolución.

8.- Obrigas dos/as seleccionados/as

Os/as seleccionados/as deberán manifestar a súa aceptación ou renuncia por escrito na ORI no prazo de 10 días hábiles, segundo o modelo facilitado pola ORI, tras a publicación da resolución definitiva de concesión. Pasado este prazo, se o/a seleccionado/a non presentase nin aceptación nin renuncia, entenderase a renuncia á praza.

Toda renuncia a unha praza xa aceptada con anterioridade, deberá presentarse por escrito e asinada xunto coa credencial de bolseiro/a e o contrato de subvención orixinais se xa lle foron entregados ao/á bolseiro/a. De non existir causa xustificada, o/a estudante non terá dereito á concesión dunha bolsa de mobilidade internacional xestionada pola ORI durante o seguinte curso académico. Enténdese como causas xustificadas:

- Enfermidade ou accidente graves do/a estudante.
- Enfermidade ou falecemento dun familiar ata segundo grao.
- Cumprimento dun deber público.
- Calquera outra causa suficientemente acreditada e xustificada que deberá ser considerada polo persoal da ORI.

Os destinos vacantes seranlles adxudicados directamente aos/ás suplentes sen que se produzan modificacións nas prazas xa asignadas e aceptadas polo/as solicitantes seleccionados/as.

Antes da súa partida, o/a estudante deberá presentar copia dun seguro de contratación obrigatoria que deberá tramitar a través da seguinte páxina web. Poderá contratar o seguinte seguro o outro calquera sempre que cumpra que conteña como mínimo as prestacións do que aquí se detalla:

<http://www.oncampus.es/>

A título informativo, o importe da póliza no curso 2015-2016 foi de 29 euros.

Os/As bolsiros/as realizarán os trámites de matrícula correspondentes na Universidade de Vigo, estando exentos do pagamento de taxas na universidade de destino. Só nalgúns casos, as universidades de destino poden esixir o abono dunhas taxas que non sexan de matrícula (en concepto de gastos de material, actividades, etc.)

Antes da partida, terán que realizar unha proba de nivel obrigatoria do idioma que empregarán como idioma de estudo. Os resultados non impedirán que poida realizar a estadía de mobilidade.

Ao final da estadía, os/as participantes deberán realizar unha segunda proba obrigatoria de nivel do idioma.

Os/As seleccionados/as deberán entregar na ORI a seguinte documentación para a realización e xustificación da súa estadía:

Antes da estadía:

- Contrato financeiro entre a Universidade de Vigo e o/a bolsiro/a
- Ficha de perceptores de pagos da Universidade de Vigo selada pola entidade bancaria.
- Autorización de uso de datos persoais (voluntario)
- Copia da xustificación de ter contratado o seguro oncampus ou similiar.

Unha vez finalizada a estadía:

- Certificado de realización da estadía orixinal asinado pola universidade de destino sen enmendas nen riscaduras.
- Deberá cumprimentar e enviar a enquisa UE (EU Survey) en liña nos 30 días naturais posteriores á recepción da invitación para cumprimentala. A Universidade de Vigo poderá requirer aos/ás beneficiarios/as que non cumprimenten e envíen a enquisa UE en liña o reembolso da axuda financeira recibida.

A ORI entregará aos/ás seleccionados/as o contrato financeiro. O resto da documentación atoparase na páxina web da Oficina de Relacións Internacionais (<http://internacional.uvigo.es>)

No caso de que esta documentación varíe e sexa confirmado polo SEPIE, comunicarse aos/ás seleccionados/as desde a ORI

Os/as seleccionados/as deberán elaborar un contrato de estudos en colaboración con responsable de relacións internacionais do seu cento ou do seu/súa titor/a a través da Secretaría Virtual. Este contrato deberá elaborarse antes do inicio do prazo de matrícula para o curso 2016-2017. No caso de modificacións do contrato, estas deberán facerse no primeiro mes de cada cuadrimestre na universidade de destino. Se as modificacións inflúen na matrícula efectuada na Universidade de Vigo no curso 2016-2017, estas deberán ser notificadas polo alumno/a á secretaria do seu centro na Universidade de Vigo unha vez aprobado o contrato polo coordinador/a.

Os/as beneficiarios/as serán os responsables de enviar ás universidades de destino toda a documentación requirida no prazo estipulado por estas institucións.

Os/as beneficiarios/as serán os responsables de tramitar a tarxeta sanitaria europea e o seu visado, se é necesario, e asegurarse das condicións deste sobre todo no caso de estudantes con nacionalidade de países extracomunitarios e sen permiso de residencia permanente en España.

Os/as beneficiarios/as acreditarán a estadia efectiva así como a súa duración mediante un certificado de fin de estadia. Para ser válido, este certificado deberá ser asinado polo/a responsable na universidade de acollida e incluír o selo oficial da devandita institución. O/a estudante deberá presentar o documento orixinal, sen alteracións nin riscaduras. As datas de chegada e partida definitivas que aparezan neste certificado serán as que se terán en conta á hora do pagamento das bolsas segundo a estadia real do/a bolseiro/a.

9.- Protección de datos

Segundo a normativa de protección de datos, infórmase a cada candidato/a de que os seus datos formarán parte dun ficheiro do que a Universidade de Vigo é responsable. Os seus datos serán tratados para a finalidade de incorporalos ao proceso de selección desta convocatoria e outras convocatorias con fins semellantes e serán enviados ao SEPIE, *Servicio Español para la Internacionalización de la Educación*. O/a candidato/a poderá exercer os seus dereitos de acceso, rectificación, cancelación e oposición dirixindo unha solicitude con copia do seu NIF á Oficina de Relacións Internacionais, Universidade de Vigo. Atendendo ao artigo 14.2 do R.D. 1720/2007, infórmase de que, se no prazo de 30 días o/a candidato/a non manifesta a súa oposición, entenderase que consente que se manteña o tratamento do seus datos. O/a candidato/a poderá revogar este consentimento en calquera momento.

10.- Revogación

No caso de que non se leve a cabo a estadia ou parte dela, sen causa xustificada, ou non se entregue a documentación solicitada, o/a bolseiro/a deberá devolver a contía íntegra ou parcial da bolsa. A Universidade de Vigo terá dereito a reclamar o importe da axuda, polo incumprimento das bases desta norma.

A concesión da bolsa Erasmus queda pendente da aprobación por parte do SEPIE das prazas de mobilidade de estudantes solicitadas pola Universidade de Vigo para o curso 2016-2017 e da aceptación na universidade de destino do/a estudante.

Contra esta Resolución, que esgota a vía administrativa, poderase interpoñer recurso ante a xurisdición contencioso-administrativa, no prazo de dous meses contados desde o día seguinte á súa publicación de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Así e todo, o/a interesado/a poderá optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso non caberá a interposición do recurso contencioso-administrativo antes citado, namentres non recaia resolución expresa ou presunta do recurso de reposición, de acordo co disposto na Lei 4/1999, do 13 de xaneiro, modificadora da Lei 30/1992, do 26 de novembro, de réxime xurídico das administracións públicas e do procedemento administrativo común.

O REITOR
Por Delegación (R.R. do 07/05/2014)
O vicerreitor de Extensión Universitaria e Relacións Internacionais
Manuel J. Fernández Iglesias



DILIXENCIA para facer constar que esta Resolución publícase con esta data no taboleiro desta Universidade.
Vigo, 18 de xaneiro de 2016

A secretaria do vicerreitor de Extensión Universitaria e Relacións Internacionais
Carmen Luisa Pereira Castro